



PRENTSA-OHARRA

Udala eta CEIN 20 proiekturen bila dabilta *Iruñeak nahi zaitu! Abiatu zure saltokia Denda Naiz - Soy Comercio bitartez* ekimenerako

Merkataritza arloko negozio-ideiak laguntzeko prestakuntza emango zaie, eta proiektu onenei hiru diru-sari, abiatu daitezen

Iruñeak nahi zaitu! Abiatu zure saltokia Denda Naiz - Soy Comercio bitartez. Hori da Udalaren eta CEINen mezua programaren hirugarren ediziorako, xede duena hirian negozio berriak abiatzea. Ekimenak zenbait berritasun ditu aurten: parte hartuko duten proiektuen kopurua 8tik 20ra igo da eta hiru sari aurreikusi dira, 5.000, 3.000 eta 2.000 eurokoak, programan parte hartzen duten hiru ekintzailerik onenendako, negozio berria martxan jartzeko lagungarri.

Tokiko Ekonomia Jasangarriko zinegotzi ordezkari Patricia Peralesek, CEINeko kontseilari ordezkari Pilar Irigoienek, Nafarroako Rural Kutxako ekintzaile-lerroko arduradun Gonzalo Sotok eta CEINeko Enpresak sortzeko Alorraren arduradun Pilar Tellecheak gaur goizeko prentsaurrekoan aurkeztu dute *Denda Naiz-Soy Comercio* programa, zeina gaur, otsailak 23, abiatzen baita, parte hartzeko izena emateko epea irekita. Hautagaiek parte hartzeko dituzten ideiak aurkezten ahal dituzte, martxoaren 21eko 13:00ak arte.

Zer da Denda naiz - Soy Comercio, eta zer eskaintzen du?

Denda Naiz-Soy Comercio merkataritza-arloan negozio-idea bat eduki eta Iruñean gauzatu nahi duten ekintzaileei zuzenduta dago. Hirugarren edizio honetan 20 proiekturen bila dabilta, halakoak ezen ikuspegi berriak bultzatu eta merkataritzako hiri-ehuna berritu eta hobetzea sustatuko baitute.

Hautatuko proiektuei berriazko programa bat eskainiko zaie, CEINek emana, hiru hilabetez, apiriletik ekainera, non behar diren baliabideak eta tresnak eskuragarri jarriko baitzaizkie hala negozio-ereduak garatu eta alderatzeko nola enpresa-jarduerak abiatzeko prestatzeko. Horrez gain, Iruñeko zenbait negozioaren arduradunen babesa eta ezagutzak izango dituzte eskura; izan ere, laguntza emanen diete proiektuetan haien eskarmentuen berri emanda. Hori horrela, honako negozio hauen ordezkariak laguntza emango dute programan: Ayestarán, La Mandarra de la Ramos, Txirrintxa eta Katuzarra, Mundoraintxe eta Planet Fitness Pamplona.

Halaber, hautatutako proiektuek aukera izanen dute Nafarroako Rural Kutxak babesle gisa emango dituen 5.000, 3.000 eta 2.000 euroko hiru sarietako bat eskuratzeko, negozioa abiatzera bideratu beharko direnak.

1. orrialdea, (e)tik 2





Denda Naiz-Soy Comercio programan hautagaitza aurkezteko formulario bat bete behar da, www.pamplona.es eta www.cein.es webguneetan eskuragarri, martxoaren 21eko 13:00ak baino lehen. Behin hautagaitzak jasota, programan parte hartuko duten proiektuak hautatuko dira. Webgunean kontsultatu daitezke programaren oinarriak eta garapena. Edozein zalantza argitzeko, interesdunek 848 430 030 telefonora deitu dezakete, edo administracion@cein.es helbide elektronikora idatzi.

CEINeko proiektuak baloratzeko batzorde tekniko batek hautatuko ditu potentziala duten proiektuak, gehienez ere 20 negozio-ideia aukeratuta. Hautaketa honako irizpide hauek aintzat hartuta egingo da: talde eragilearen eskarmentua, prestakuntza, motibazioa eta gaitasunak, guztizko puntuazioaren % 30era bitarte; enpresa-proiektua bera (sektorea, berritasun edo bereizgarritasun-maila, proiektuaren heldutasuna eta aurrebideragarritasun ekonomikoa), % 35 bitarte; eta hiriari egingo dion ekarpena, hots, zer nolako eragina izan dezakeen proiektuak hiria biziberritzeko, puntuazioaren gainerako % 35 bitarte.

Programaren xede diren proiektuek negozio-ideiak izan behar dute, Iruñeko udal-mugartean merkataritza-jarduera bat garatzen duen guneko fisiko bati lotuak. Gainera, lehentasuna emanen zaie berrikuntza sustatu eta hiriko merkataritza-ehuna hobetuko duten ideiei, bai eta herritarren beharrei eta hiriko merkataritza-joerei erantzuten dietenei ere.

Programa apiriletik ekainera egingo da, CEINen bulegoan (Leire kalea, 20). Baliteke zenbait jarduera Kondestablearen jauregian egitea. *Denda Naiz - Soy Comercio* ekimenean parte hartzeko hautatu diren proiektuek aukera izanen dute hilabete horietan programaz baliatzeko, beren merkataritza-proposamena azkartze aldera; programa horretan, halaber, gaitasun ekintzaileak garatu eta CEINeko teknikarien zein sektoreko profesionalen banakako tutoretzen babesa jasoko dute. Prozesu horren helburu nagusia da programan parte hartzen duen proiektu bakoitzaren garapena babestea, berme-arrakasta duten negozio bideragarriak sortzeko.

Sariak

Proiektu guztiek, partaidetza hori arrakastaz amaituz gero, epaimahaiari aurkeztu ahalko diote proiektua, eta hark aurreikusitako 3 sariak emango ditu negozioa abiarazteko. Ekainean egingen dira, behin programa amaituta, hala proiektuen defentsa-saioak nola sari-banaketa. Sari horiek eskuratu ahal izateko, betekizun hauek bete beharko dira: proiektua mamitzeko programak eskatutako lana egitea; programaren prestakuntza-jardunaldi, tutoretza-saio eta jarduera guztietara bertaratzea; eta programak zedarritutako lan-plangintza betetzea, betiere enpresa-proiektu bakoitzerako ezarritako helburuak beteta; tutorearekin hitzartutako bileretan parte hartzea; eta negozio-ideiaren bideragarritasuna egiaztatu ostean, ideia hori Iruñean garatzen saiatzea.

Iruñean, 2018ko otsailaren 23an

